

PATHIAN THILTIHTHEIHNA



PATHIAN THILTIHTHEIHNA

Thil engkim siamtu Pathian leh thiltihtheihna chu keini ang finna tâwp chin nei mihringin kan sawi fiah theih ang em? Tawkfanga sawifiah a har khawp mai. Pathian thiltihtheihzia, a ropuizia leh a finna zauzia chu kan mihring finna chuan a ngaihtuah phak lo a ni.

Mahse Pathian chuan mihringte rin loh thil tam tak a tihtheihzia chu Baibulah chiang takin a lantir a. He lei khawvel hi a siam a, a thiltihtheihna ropui tak hmangin vân boruak zau tak a awmtir a. Setana leh mihringte tihchhiatna lakah a humhim a, he khawvel mamawh tinrengte pein a tiphuisui a.

Pathian thiltihtheihna tâwpintai nei lote chu a thu hmanga Baibula a lantir dan i han thlir ho teh ang.

Watson Goodman

The Bible text used is from Mizo Bible. Copyright 2000-2001, The Bible Society of India, Publishers.

SIAMTU PATHIAN THILTIHTHEIHNA

A thiltihtheihnain lei a siam a, a finnain khawvel a din a, a remhriatnain vãn a tiparh a.

Jeremia 10:12

Pathian chu tu nen nge in tehkhin dawn le? ... Ani chu leilung kualkhungna chung a t̄hua chu a ni, a mithmuh chuan lei chung a awmho chu khaute ang lek an ni a; ani chu vãn khi puan in chung anga kai pharha, puan in awmna turah zara chu a ni... Tu nen nge mi tehkhina, tu tluk lekah nge mi ruat dawn? Mi Thianghlim chuan a ti. Chung lamah khian in mitte lèn chho ula, khingte khi tu siam nge ni en rawh u; ani chuan sipaihote khi indawt zelin a hruai chhuak t̄hin a, an hmingin a ko t̄heuh t̄hin a; a chakna nasatna avang leh, thiltihtheihna lama a chak avangin pakhat mah kim lo an awm ngai lo.

Isaia 40:18a, 22, 25-26

“Aw Lalpa Pathian, ngai rawh, i thiltihtheihna nasa leh i kut pharin lei leh vãn i siam ta a; i tan thiltih harsa lutuk a awm reng reng lo va.”

Jeremia 32:17

Pathian... heng ni tawpah hian keimahni hnenah a Fapaah chuan thu a sawi ta. Chu mi chu engkim rochungtuah a ruat a, chu mi pawh chuan khawvelte chu a siam a.

Hebrai 1:1a, 2

PATHIANIN KHAWVEL A SIAM A, ÊNG A PE A, SETANAN A TICHHIA

Atirin Thu a awm, Thu chu Pathian hnenah a awm, Thu chu Pathian a ni. Engkim azain ama siam a ni; thilsiam zawng zawng hi ama siam loh engmah a awm lo. “Ruk hmang chu, ru tur leh tihlum tur leh tichhe tur lo chuan a lo kal lo.” Johana 1:1, 3; 10:10a

Ani chuan an hnenah, “Tek anga Setana vân aṅanga a lo tla kha ka hmu asin,” a ti a. Luka 10:18

Ngaihven ula, fimkhur rawh u; in khingpui Diabola chu sakeibaknei rûm ṭhin angin a ei theih tur zawngin a phi ruai ṭhin. 1 Petera 5:8

Chutichuan Pathian thlahte kan nih ahnuin, Pathian pangti chu rangkachak te, tangka te, lung te mihring themthiam leh remruata chherte ang hi emaw tih, kan rin tur a ni lo ve. Tirhkohte 17:29

Nangni zawngin ramhuaiho in ṭawmpui ka duhsak lo che u asin. 1 Korinth 10:20b

Isuan an hnenah thu a sawi leh a, “Kei khawvel êntu ka ni; tupawh mi zui chu thimah a lêng tawp lovang a, nuna êng a nei zawk ang,” a ti a. Johana 8:12

Kei zawng nun an neih nan, tam taka an neih nan, lo kal ka ni. Johana 10:10b

PATHIAN THILTIHTHEIHNA CHUAN TÂWPINTAI A NEI LO

Pathianin vawi khat a sawi a; E! hei hi vawi hnih ka hre ta, thiltihtheihna hi Pathian ta a ni tih hi.

Sam 62:11

Kan Pathian chu vânah a awm si a; A duh apiang a ti a ni.

Sam 115:3

A ni, ni awm achinah khan kei hi amah chu ka ni; tichuan ka kut ata chhan chhuak thei tumah reng reng an awm lo.

Isaia 43:13a

Aw Lalpa, ropuina te, thiltihtheihna te, chawimawina te, hnehna te, lalna te hi i ta a ni a; lei leh vâna awm zawng zawng hi i ta a ni si a; aw Lalpa, ram chu i ta a ni a, mi zawng zawnga chungnung ber i ni. Hausakna leh chawimawina te hi i hnena mi a ni a, engkim chungah thu i nei a; thiltihtheihna i kutah a awm a; i kutah hian mi zawng zawng tihropuina leh chakna pek theihna a awm. 1 Chronicles 29:11, 12

Aw Lalpa, Pathian, i chhiahhlawh hnenah hian i ropuizia leh i kut chak tak chu i lantir ta phawt chu a ni a; vânah emaw, leiah emaw hian i thiltih ang leh i thiltih ropui tak ang ti thei Pathian hi tunge awm?

Deuteronomy 3:24

Pathian thu chhuak reng reng thil tithei lovin a awm lo vang.

Luka 1:37

Nang chu thilmak ti thintu Pathian chu i ni a; Mi tin zingahte chuan i chakzia i hriattir thîn.

Sam 77:14

TÂWP NEI LO PATHIAN THILTIHTHEIHNA ROPUIZIA

I kut ding lam chu, aw Lalpa, thiltihtheihnain a ropui a, I kut ding lam chuan, aw Lalpa, hmelma chu a tisawm ta dep a. I ropuina nasa tak chuan nangmah dotute chu i tiboral vek a: I thinrim i rawn hrithla a, buhpawl ang maiin an kangral zo ta a.

Exodus 15:6-7

Kan Lalpa chu a ropui a, thiltihtheih lamah pawh chak tak a ni a, a finna chuan tawpintai a nei lo.

Sam 147:5

Chuti chung pawhin ama hming avangin anni chu a chhandam ta a, a thiltihtheihna ropui tak chu a hriattir theihna turin.

Sam 106:8

Israel mipuite chu hetiangin an tawngtai a, “Lalpa, nangmah chauh hi Lalpa i ni a, vante van leh a chhunga awm zawng zawngte nen, leilung leh a chhunga awm zawng zawngte nen tuifinriat leh a chhunga awm zawng zawngte nen i siam a, a zain i vawng tha thin a: tin, vana awmhote chuan chibai an buk thin che a.”

Nehemia 9:6

Aw ka nunna, Lalpa chu fak rawh. Aw Lalpa ka Pathian, nang chu i ropui em em a; chawimawina leh ropuinain i inthuam a.

Sam 104:1

Ni tin ka fak ang chia; I hming hi kumkhaw tlaitluanin ka fak ang. Lalpa chu a ropui a, nasa taka fak tur a ni; A ropuizia chu chhui chhuah rual a ni lo.

Sam 145:2, 3

CHATUAN DAIH PATHIAN THILTIHTHEIHNA

Chutichuan Isua Krista kan Lalpa leh Chhandamtu chatuan rama luh theihna chu an pe ngei dawn si che u a.
2 Petera 1:11

Lalpa chu kumkhuain ring rawh u: Lalpa Jehovah ah chuan kumkhaw lungpui a awm si a.

Isaia 26:4

Tlangte pian hmaa, leilung leh khawvel i din hma pawh khan, chatuan ata chatuan thleng pawhin nang chu Pathian i ni.

Sam 90:2

Lalpa erawh chu Pathian tak a ni, Pathian nung chatuana Lal a ni e, a thinurin lei a nghing a, hnamten a thinrimna an tuar lo.

Jeremia 10:10

Tichuan, “Khawvel ram chu kan Lalpa leh a Krista ram a lo ni ta, ani chuan chatuanin ro a rel ang,” tiin vânah chuan aw ring takte a lo chhuak ta nghal a.

Thu Puan 11:15b

Setana thiltih a tihchhia

Anmahni bumtu Diabola chu sakawlh leh zawlnei der awmna, mei leh kât dilah chuan an paih ta a; tichuan chatuanin achhûn azana nghaisakin an awm ang.

Thu Puan 20:10

TUIPUI SENA PATHIAN THILTIH MAK

Mosian tuipui chungah a kut a han phar a: tin, Lalpan zankhuain khawchhak thli na takin a rawn thlehtir a, tuipui chu a nem kirtir a, tin, tuipui chu lei charah a chantir a, tin, tuite chu a lo inthen ta a. Israela thlahte chu tuipui chhung lei charah chuan an kal ta a: Tuite chu an ding lampangah leh an vei lampangah chuan an tân bang a lo ni ta mai a. Lalpan Mosia hnenah, “Aigupta mite, an tawlailirte, an sakawr chung chuang mite chu tuiin a rawn chim leh theihna turin i kut kha tuipui chungah han phar rawh khai,” a ti a. Tin, Mosian tuipui chungah chuan a kut chu a han phar a, khua a var veleh chuan tuipui chu a luan pangngaiin a luang leh ta a; Aigupta mite chu an tlan kir leh a; tin, Lalpan Aigupta mite chu tuipui chhungah chuan a paih thla ta a. Tuite chu a luang leh ta a, tichuan tawlailirte leh sakawr chung chuang mite, tuipuia ùm lùttu, Pharaoa sipaiho zawng zawngte lam chuan tuiin a chim pil ta vek a; pakhat mah chhuak reng reng an awm hauh lo mai a. Chutiang chuan a ni, Lalpan Israel-hote chu, chu mi ni chuan Aigupta mite kut ata a chhanchhuah ni; Israel-hote chuan Aigupta mi thite chu tuipui kamah chuan an hmu a. Lalpan Aigupta mite chungah thil ropui tak a tih chu an hmu a.

Exodus 14:21-22, 26-28, 30-31a

PATHIAN THILMAK TIH TAM TAK

Kum 40 chhung mipui sang tam tak a hrai

“Tlai lamah chuan sa in ei ang a, tin, atukah chuan chhang kham khawp zetin in ei tawh ang; tichuan kei hi Lalpa in Pathian chu ka ni tih in hria ang.” Tin, heti hi a ni a, tlai lamah chuan vahmim an lo thlawk chho chiam a, an riahhmun chu a dâp ta dul a: tin, atukah chuan an riahhmun velah chuan dai a lo tla dup a. Tin, dai tla chu a han hul veleh chuan, ngai teh, thlalêr lei chungah chuan thil pêr tê tê, vûr thal tiat lek lek tê hi a lo awm tuar mai a. Chu chu Israela thlahten an han hmuh chuan, “Engnge maw ni chu le?” an inti hlawm a. Israela thlahte chuan mihring chenna ram an thlen hma loh chuan kum sawmli chhung chu manna an ei ðhin a.

Exodus 16:12b-15a, 35a

Mi sang tam tak tui a pe

Ngai teh, Horeb-a lungpui chungah sawn i hmaah ka lo ding ang a; tin, lungpui chu i han vua ang a, tichuan mipuite in tur tui chu a lo luang chhuak mai ang.

Exodus 17:6a

Tuilet a titawp

Lalpa thuthlung bawm zawntu puithiamte chu Jordan lui laiah, lei chârah an ding reng mai a, mipuiho zawng zawngte chuan Jordan lui an kai fai vek thlengin Israel-ho zawng zawngte chu lei charah an kal kai ta vek a.

Joshua 3:17

PATHIAN CHU CHHANDAMTU ROPUI A NI

Tichuan, heng mite hi an kawrfualte, an kawrhnuaitte, an diarte leh an silhfên dangte chawpa phuarin rawhtuina meipuia theh luh an ni ta a. Tichuan, lal thupek chu a hmanhmawh êm avang leh rawhtuina mei chu a sat khawp avangin Sadraka te, Mesaka te, Abednegoa te chawi kangtute chu meialh chuan a tihlum ta hlawm a. Tin, thuneitute, aiawhtute, awptute leh lal remruatpuitute rawn inkhawm chuan, heng mite taksa chungah hian meiin thiltihtheihna a nei lo va, an sam pawh a kang kir hek lo, an kawrfualte a danglam hel lo va, mei rim reng reng pawh an nam hek lo, tih an hmu a.

Daniela 3:21-22, 27

Tichuan, lal chuan thu a pe ta a. Daniela chu an rawn hruai a, sakeibaknei pûkah chuan an paih ta a. Lal chuan Daniela hnenah, “I Pathian, a rawng i bawl fo ðhina khan a chhanhim ang che,” tiin a sawi a. Daniela chuan lal hnenah, “Aw lalber, kumkhuain dam ang che; ka Pathian chuan a vântirhkoh a rawn tir a, sakeibaknei kâte a tichip a, engmah mi tina lo ve; a mithmuhah chuan sawisel bovin ka awm a; tin, i chungah pawh aw lalber, pawl engmah ka khawih lo ve,” a ti a.

Daniela 6:16, 21-22

PATHIAN THU THUNEIHNA

Ka thu chu mei ang, tuboh lung chhutsawmna ang a ni lo vem ni? tih hi Lalpa thu chhuak a ni.

Jeremia 23:29

Pathian thu hi a nung a, thil a ti thei a, khandaih hriam tawn eng ang ai pawhin a hriam a, nunna leh thlarau, ruhtuah leh thling phel hrang khawp hialin a chhun thei a, thilnunga ngaihtuah leh tumte hi a hre nghal thei a ni.

Hebrai 4:12

Tleirawlin engtin nge a awm dân a tihthianghlim ang? I thu ang zela a awm dân veng thain.

Sam 119:9

In hnenah ka thusawi avang chuan tunah pawh in thianghlim tawh pang a ni.

Johana 15:3

Tin, chhandamna lukhum leh Thlarau ngûnhnâm (Pathian thu chu) la ula.

Ephesi 6:17

Anni chu thutakin tithianghlim rawh, i thu chu thutak a ni.

Johana 17:17

Nunna thu chu vawng tha rawh.

Philippi 2:16a

Chutichuan Isuan a ringtu Judate hnenah chuan, “Ka thua in awm reng chuan ka zirtirte in ni tak tak ang,” a ti a.

Johana 8:31

I chungah thil ka tihsual loh nan I thu chu ka thilnungah ka khawl khawm a.

Sam 119:11

I thu hrilhfiyah hian mite a tieng a; mi mawlte chu a hriat thiamtir thin.

Sam 119:130

ISUA KRISTA CHU PATHIAN MIHRINGA LO CHANG A NI

Amahah chuan Pathian famkimna tinreng chu taksa neiin a awm reng si a. Kolossa 2:9

“Ngai teh, nula thianghlim chu a rai ang a, Fapa a hring ang a, a hmingah Emmanuela an sa ang,” tia a sawi kha a lo thlen theihna turin chung zawng zawng chu a lo awm a ni. Emmanuela chu, ‘Kan hnena Pathian awm,’ tihna a ni. Tichuan, Josefa chu a muhil a tho va, Lalpa vântirkohvin a hnena thu a pek ang chuan a ti a, a nupui hual chu a nei ta a; nimahsela, fapa a hrin hma loh zawng a pawl lo; tin, a hmingah ISUA a sa ta a. Matthaia 1:23-25

Nimahsela Isuan anni chu a bia a, an hnenah, “Ka Pain tun thleng pawhin hna a thawk reng a ni, kei pawhin ka thawk ve a ni,” a ti a. Chutichuan Judaten tihlum an tum lehzuai a, Chawlhni a bawhchhiat avang chauh pawh a ni lo va, Pathian ama Paah a vuah a, Pathian tluka a insiam avang pawhin a ni. Johana 5:17-18

Thianghlimna thlarau lam thua erawh chuan mitthi zing ata a thawhleha chuan Pathian Fapa a nih nasa takin a hriattir a. Rom 1:4

Krista thisen chu Pathian thisen a ni

Pathian kohhranho, ama thisena a leite chu chawm turin, nangmahni leh in hote zawng zawng chungah chuan fimkhur rawh u, Thlarau Thianghlimin an chungah hotuah a siam che u hi. Tirhkohte 20:28

ISUA KRISTA - PATHIAN CHAK BER

Isua Krista hnen aṭang chuan... “Kei Alpha leh Omega ka ni,” Lalpa Pathian, awm meka leh awm tawha leh lo la awm tura, Engkimitheia chuan a ti a ni.

Thu Puan 1:5a, 8

Ani chuan thim thuneihna laka min chhan chhuakin, a Fapa hmangaih taka ramah chuan min kaitir ta a; amahah chuan kan tlanna kan hmu a ni, kan sualte ngaihdamna chu. Ani chu hmuh theih loh Pathian anpui, thil siam zawng zawnga piang hmasa ber chu a ni a; amahah chuan engkim siam a ni a, vâna awmte, leia awmte nen, hmuh thiehte, hmuhtheih lohte nen, lalthutphahte pawh, rorelnate pawh, lalnate pawh, thuneihnate pawh; engkim ama siam a ni, ama ta tur bawka siam a ni. Kolossa 1:13-16

Kan Lal Isua Krista rawn inlar leh hma loh chuan thupek kha thianghlim tak leh sawiselbova pawm turin. Chu inlarna chu a hun takah chuan fak tlak Thuneitu tak chauh, lalberte Lalber, lalte Lal chuan a entir ang; amah chauh chuan thih theih lohna a nei a, hnaih theih rual loh êngah chuan a awm a, amah chu tumahin an hmu ngai lo va, hmuh pawh an hmu theih hek lo; ama hnenah chuan chatuana chawimawina leh thiltihtheihna awm rawh se. Amen. 1 Timothea 6:14-16

KRISTA CHU PA PATHIAN ANGA LALBER A NI

Tupawh mi hmu chu mi tirtu hmu a ni.

Johana 12:45

Ani chu a ropuina êng leh, atak anpui ngei leh, ama thiltihtheihna thua engkim tungdingtu niin, sualte a tlenfai hnuin chung lama Ropuibera ding lamah khian a han t̄hu a.

Hebrai 1:3

Mitthi zing ata a kaihthawh lai leh, lalna te, thuneihna te, thiltihtheihna te, rorelna zawng zawng te, he mi khawvelah chauh ni lova khawvel lo la thleng tur pawha hming sak tinrengte chung daihah vān hmunahte a ding lama a t̄huttir laia Kristaa a thawh, a thahrui chakna thawhzia ang zel khan keini ringtute lama a thiltihtheihna len nasatzia te hi, eng ang nge a nih in hre thei ang. Tin, thil engkim a ke hnuaiah a dah a.

Ephesi 1:19-22a

Kei leh Pa chu pumkhat kan ni. Kei mi ring lo mah ula, hnathawhte tal hi ring rawh u; Pa keimahah a awm tih leh, kei Paah ka awm tih in hriata in rin nan.

Johana 10:30, 38b

Tin, Mihring Fapa a nih avangin a hnenah rorel tur thu a pe.

Johana 5:27

THLARAU THIANGHLIM THILTIHTHEIHNA CHAK TAK

Thlarau Thianghlim Pathian

Hriattirtu chu Thlarau hi a ni, Thlarau chu thutak a nih avangin. 1 Johana 5:7

Nimahsela Peteran, “Anani, Thlarau Thianghlim bum tur leh, ram man a ðhen zêp turin engati nge Setanan i thinlung a tikhah le? A awm chung zawng khan i ta a ni reng lo vem ni? i hralh hnu pawh khan i thu thuin a awm lo vem ni? Engati nge heng thu hi i rilrua i ngaihtuah? Mihring bum i ni lo ve, Pathian bum i ni zawk e,” a ti a. Tin, Anania chuan chung thu chu a hriat veleh a tlu a, a thi ta a; tin, a hria apiangin an hlau ta êm êm a. Tirhkohte 5:3-5

Ringtu nunna a tichak a, huaisenna a pe

An ðawngðai zawhin an awmkhawmna chu a lo nghing a, an zain Thlarau Thianghlimin an lo khat a, huai takin Pathian thu an hril ta a.

Tirhkohte 4:31

Hmangaihna thianghlim a pe

Thlarau Thianghlim kan hnena min pek khan Pathian hmangaihna chu kan thinlunga a leih tawh avangin beiseina chuan a timualpho lo va.

Rom 5:5

PATHIAN THUNEIHNA

Chutichuan amaha Pathian hnena lo kalte chu a tawpkhawk thlengin a chhandam thei bawk a ni, anmahni țawngțaisak turin chatuana a nun reng avangin. Hebrai 7:25

Tichuan in tlûk loh nana veng thei che u leh a ropuina hma taka nasa zeta hlimin bawlhhlawh kai lova dah theitu che u. Juda 24

Chuvang chuan a ni, heng thil pawh hi ka tuar ni; nimahsela ka zak lo ve; ka rinna chu ka hria, a hnena ka kawltir chu, chu mi ni atan chuan a vawng țha thei tih dik takin ka hre bawk a. 2 Timothea 1:12

Pathianin khawngaihna tinreng in chungah a vûr thei a ni; chutichuan nangnin engkimah a tawk zet nei fovin, hnathawh țha tinreng atan in ngah thei ang. 2 Korinth 9:8

Pathianin heng lungte hi Abrahamama thlahahte a dintir thei e. Luka 3:8b

Abrahamama chu rinna tlachhamin Pathian thutiam chu a ringhlel lo va, Pathian a chawimawi a, a thutiam chu a hlawhtlintir thei tih a âwih hle bawk a, a rinna chu a lo nghet ta zawk a. Rom 4:16c, 20-21

PATHIAN THUNEIHNA

Ani chuan kan tlawm lai taksa hi, ama taksa ropui anga awm turin a siam tha leh ang.

Philippi 3:21b

Tichuan, kei Nebukadnezzara hian vâh Lal chu ka fak a, ka chawisang a, ka zah a; a thiltih zawng zawng chu a dikin a kawngte chu a fel si a: chapova lêngte chu a tihnam thei a ni.

Daniela 4:37

Kan Pathian, a rawng kan bawl thina chuan rawhtuina meipui ata min chhan chhuak thei si a, i kut ata pawh, aw lalber, min chhan chhuak mai ang. Tichuan, Nebukadnezzara chu rawhtuina meipui kawngkâah chuan a lo kal hnai a, “Sadrah, Mesak, Abednego, nangni Chungnungbera Pathian bâwihte u, lo chhuak ula, hetah lo kal rawh u,” a ti a ... Tin, heng mite taksa chungah hian meihin thiltihtheihna a nei lo va, an sam pawh a kâng kir hek lo, an kawfualte a danglam hek lo va, mei rim reng reng pawh an nam hek lo tih an hmu a.

Daniela 3:17, 26a-27b

Amah ngei chuan thlêmna tawkin a lo tuar tawh avangin thlêmna tawkte chu a tanpui thei a ni.

Hebrai 2:18

Thihna chungah thu a nei

Mitthi pawh Pathian chuan a kai tho thei ang tih a ring a.

Hebrai 11:19a

PATHIAN THUNEIHNA

Krista Isuaa rinna awm avang chuan chhandamna hmu khawpa tifing thei che Lehkha Thianghlimte chu i naupan têt ata hre tawh i ni tih i hria a.

2 Timothea 3:15

Mi dang chhiahhlawh sawisêltu chu tunge maw I nih le? A din leh a tlûk chu ama hotu tan a ni. Nimahsela ani zawng dintirin a awm ang, Lalpa chuan a dintir thei si a.

Rom 14:4

Tichuan keimahnia thawk `hin thiltihtheina ang zelin, kan dil leh kan ngaihtuah zawng zawng aia nasa zawk ti theitu hnenah ngei chuan, chatuanin chhuan zawng zawng thlengin, kohhranhovah leh Krista Isuaah chuan ropuina awm rawh se. Amen.

Ephesi 3:20-21

Tunah hian Pathian leh a khawngaihna thu-ah ka kawltir a che u, chu chuan a siam lian thei che u a, mi rilru thianghlimte zingah ro chan a neihtir thei bawka a che u.

Tirhkohte 20:32

A nih leh, Pathianin a mite chu a pai thla em ni? Hnai lo ve. Kei pawh Israel mi, Abrahamah thlah, Benjaminah hnam ka ni si a. Tin, anni pawh chu ring lova an awm reng loh chuan zawmin an awm ang; Pathianin anmahni a zawm leh thei si a.

Rom 11:1, 23

ISUA - SUAL NGAIDAM THEITU

Lalpa, nangin khawlohnate i chhinchhiah chuan, Aw Lalpa, tunge ding ang le? Nimahsela i hnenah ngaihdamna a awm a ni, ÷iha i awm theih nan.

Sam 130:3-4

Ka hming pu ka mite chuan inngaitlawmna an ÷awng÷ai a, min zawna, an awm dân sualte an hawisan chuan, vân a÷angin ka lo ngaithla ang a, an sualte ka ngaidam ang a, an ram chu ka tidam leh ang.

2 Chronicles 7:14

Zeng hnenah hian, ‘I sualte ngaihdam a ni tawh,’ tih leh, ‘I âwngphah la la, kein kal tawh rawh,’ tih hi a engnge sawi awl zawk? Engpawh ni sela, khawvelah Mihring Fapain soal ngaihdam theihna a nei tih in hriat nan, zeng hnenah chuan, “Tho la, i âwngphah la la, i inah kal rawh, ka ti a che,” a ti a. Tichuan ani chu a tho va, a âwngphah chu a la ta nghal a, an zaa mithmuhin a kal chhuak ta a; chutichuan an zain mak an ti hle a, “Hetiang reng reng hi kan la hmu ngai lo,” tiin Pathian an fak ta a.

Marka 2:9-12

Mihring Fapa sawisêl apiangte chu an sawisêlna chu ngaihdam sak a ni ang; Thlarau Thianghlim meuh sawichhia erawh chu a sawichhiatna chu ngaihdam sak a ni lo vang.

Luka 12:10

THLARAU TIDAM THEIHTU KRISTA THILTIHTHEIHNA

Chu mi avang chuan tupawh Kristaa a awm chuan thil siam thar a lo ni a; thil hluite chu a ral ta a; ngai the u, a lo thar ta. 2 Korinth 5:17

Nung apiangin mi ring chu kumkhuain an thi lo vang; chu thu chu i ring em? Johana 11:26

Tichuan tihthatfamkima lo awmin, a thu awih zawng zawngte tan chatuana chhandamna bulpui a lo ni ta. Hebrai 5:9

Sual chuan thihnain ro a rel ang takin, khawngaihna chuan felnain chatuan nun channa khawp hialin kan Lalpa Isua Krista zara ro a rel theih nan. Rom 5:21

Nimahsela min chhandamtu Krista Isua inlârna avang hian tunah tihlanin a awm ta. Ani chuan thihna chu a tiboralin Chanchin Thain nunna leh boral theih lohna a tilang ta. 2 Timothea 1:10

Keini mi nungdama la awmte hi Isua avanga thi tura mantirin kan awm fo va, Isua nunna pawh kan tisa thi theiah hian a lan theih nan. 2 Korinth 4:11

Rûk hmang chu, ru tur leh tihlum tur leh tichhe tur lo chuan a lo kal lo; kei zawng nun an neih nan, tam taka an neih nan, lo kal ka ni. Johana 10:10

TAKSA TIDAM THEITU KRISTA THILTIHTHEIHNA

Heti hi a ni a, chung lai chuan ni khat chu a zirtir a. Tin, a kiangah Pharisaita leh dân zirtirtute ðuin an awm a, chungte chu Galili leh Judai ram khaw tin aṅang leh Jerusalem khua aṅanga lo chhuak an ni a; tin, mi tihdam nan Lalpa thiltihtheihna chu a hnenah a awm.

Luka 5:17

Hmeichhe pakhat kum sawm leh kum hnih thi pütün a dam lo va, a sum neih zawng zawng chu dâktawrte lakah a dek ral zo tawh a, tumahin an tidam thei tawh si lo va; chu mi chu a hnungah a lo kal a, a puan hmawr a dek a; chawplehchilhin a thi pût chu a lo reh ta nghal a.

Luka 8:43-44

Khaw téahte, khaw lianahte, lovahte, khawiah pawh a luhna apiangah damlote chu dâwr hmunahte an muttir hlawm a, a puan hmawr tal deh theih an dil chiam a; tin, amah dek apiang chu an dam ta zel a.

Marka 6:56

Khua a lo tlai lam chuan a hnenah ramhuai mante tam tak an rawn hruai a; tin, thuin ramhuaite chu a hnawt chhuak a, dam lo zawng zawngte chu a tidam bawk a: zawlnei Isaian, “Amah ngeiin kan chak lohnate a la a, kan nâte a phur a,” tia a sawi chu a lo thlen theihna turin.

Matthaia 8:16-17

NATNA CHI HRANG HRANG TIDAM THEITU

Isuan a han ban a, a dek a, “Ka duh e, lo thianghlim tawh ang che,” a ti a. Tin, chawplehchilhin a phâr chu a lo thianghlim ta nghal a. Matthaia 8:3

A chungah a kut a nghat a; tichuan thawklehkhatan a ngil ta nghal a, Pathian a fak ta a.

Luka 13:13

Chung lai tak chuan Isuan nâte, hripui veite, ramhuai mante tam tak a tidam a, mitdel tam takte pawh an mit a tivâr a.

Luka 7:21

Khaw engah emaw a luh dawnin, mi, phâr hliir, sâwmin an tawk a; chu mite chu hla takah an ding a. Tin, ani chuan anmahni chu a han hmuh chuan an hnenah, “Puithiamte hnenah va inentir tawh u,” a ti a. Tin, heti hi a ni a, an kal lai chuan an lo thiang ta hlawm a.

Luka 17:12, 14

Isua chu Petera ina a luhin, a nupuia nu chu khawsika mu a hmu a. Tichuan a kut chu a dehsak a, a khawsik chu a reh ta a; tin, a tho va, a rawng a bawlsak ta a.

Matthaia 8:14-15

An zinga tuin emaw Puithiam Lalber bawih chu a sât a, a beng ding lam a sah thlaksak a. Isua erawh chuan, “A tawk e,” a ti a. Tin, a beng chu a dek a, a tidam ta a.

Luka 22:50-51

NATNA CHI HRANG HRANG TIDAM THEITU

Ina a luh chuan, mitdelte chu a hnenah an lo kal a; tin, Isuan an hnenah, “Hei hi ti theiin mi ring em?” a ti a. Anni chuan a hnenah, “Ring e, Lalpa,” an ti a. Ani chuan an mit a dek a, “In rin angin in chungah thleng rawh se,” a ti a. Tichuan, an mit chu a lo vâr ta a.

Matthaia 9:28-30a

Kapernaum khuaa a luhin a hnenah sipai za hotu a lo kal a, “Lalpa, ka naupang zengin inah a mu reng a, nasa taka tihnatin a awm a ni,” tiin, a ngen chiam a. Isuan sipai za hotu hnenah chuan, “Kal tawh rawh; i rin angin i chungah lo thleng rawh se,” a ti a. Tichuan, naupang chu, chu mi dâr ngeiah chuan a lo dam ta a.

Matthaia 8:5-6,13

Chu veleh, chu mi hnenah chuan, “I kut phar rawh,” a ti a. Tichuan, a phar a, a lehlam angin a dam ta viah a.

Matthaia 12:13

Chutah chuan kum sawmthum leh kum riat nâ mi tu emaw a awm a. Tin, Isuan a hnenah, “Tho la, i âwngphah la la, kein kal tawh rawh,” a ti a. Thawklehkhatan chu mi chu a dam ta nghal a.

Johana 5:5, 8-9a

ISUA TIHDAM THEI LOH NATNA A AWM LO

In zingah damlo an awm em? Kohhran upa kohtir sela. Tin, rinnaa ṭawngṭaina chuan damlo chu a chhandam ang a, Lalpa chuan ani chu a kai tho vang.

Jakoba 5:14a-15a

Isuan an inkhawmna inahte zirtirin, Ram Chanchin Ṭha chu hrilin mite zinga natna tinreng leh chak lohna tinreng tidamin Galili ram zawng zawng a fang vel a.

Matthaia 4:23

Chungho chu a thu ngai duh leh an nâte intihdam duhin an lo kal a ni; tichuan ramhuai bawlhhlawh sawisakte pawh an lo dam ta a. Tin, a hnen ata thiltihtheihna a chhuak a, mi tin a tihdam avangin mipui zawng zawng chuan amah deh an tum a.

Luka 6:17b-19

A puan hmâwr tal deh theih an dil chiam a; tin, a dek apiang chu an lo dam ta zel a.

Matthaia 14:36

Mipui tam tak, kabaite, mitdelte, ṭawng thei lote, piangsualte rawn hruaiin a hnenah an lo kal a, a ke bulah an dah a; tin, a lo tidam ta hlawm a.

Matthaia 15:30

Mipui tam takin an zui a; chutah chuan anmahni chu a tidam ta a.

Matthaia 19:2

RAMHUI HNAWTCHHUAK THEITU KRISTA THILTIHTHEIHNA

Isuan ramhuai chu a hau va, a chhung ata a chhuak ta a; chu mi dâr achinah chuan naupang chu a lo dam ta a. Matthaia 17:18

Ramhuaite pawh, “Pathian Fapa i ni,” tia auvin mi tam tak kawchhung ata an lo chhuak a. Tin, anmahni a hau va, Krista a ni tih an hriat avangin an ãawng a phal lo. Luka 4:41

Ral leh lam Gadarin mite ram chu a thlenin, ramhuai man pahnih, thlan aãanga lo chhuakin, an rawn tawk a; an kawlh êm a, chutichuan chu mi kawngah chuan tumah an kal thei lo va. Tin, ngai teh, anni chuan, “Pathian Fapa, keini leh nang engnge kan inzawlna? Hun tiam thlen hmian min nghaisa turin hetah i lo kal em ni?” tiin, an au va. Tin, an awmna aãanga hla feah vawk rual tam tak an tla a. Tin, ramhuaite chuan, “Min hnawh chhuah chuan vawk rual kawchhungahte sawn min kaltir ang che,” tiin, a hnenah an ngen a. Tin, ani chuan an hnenah, “Kal ta che u,” a ti a.

Matthaia 8:28-32a

Chu mi lai chuan mitdel ãawng thei lo ramhuai man pakhat a hnenah an rawn hruai a; tin, ani chuan a lo tidam a, chutichuan ãawng thei lo chu a lo ãawng theiin, a lo hmu thei ta a. Matthaia 12:22

MITTHI KAITHO THEITU KRISTA THILTIHTHEIHNA

Tin, a va hnaih a, hlâng chu a khawih a; tichuan a zawntute chu an ding ta a. Tin, “Rawlthar, Tho rawh, ka ti a che,” a ti a. Tin, mitthi chu a ðhu chhuak a, a lo ðawng ta a. Tin, Isua chuan a nu hnenah a pe ta a.

Luka 7:14-15

Isuan a hnenah, “I nuða a tho leh ang,” a ti a. Marthi chuan a hnenah, “Ni kin nia thawhlehaah chuan a tho leh ang tih ka hria e,” a ti a. Tin, Isuan a hnenah, “Kei hi thawhleha leh nunna chu ka ni; tupawh mi ring chu thi mah sela a nung reng ang. Tin, chutia a ðawng zawh veleh chuan aw ring takin, “Lazar, lo chhuak rawh,” a ti a, a au va. Tin, mitthi chu a kut a ke thlan puana tuam chungin a lo chhuak ta a, a hmai pawh inhrûkna puana tuam a ni a. Isuan an hnenah, “Phelh ula, kaltir rawh u,” a ti a.

Johana 11:23-25, 43-44

A la ðawng lai mekin inkhawmna in hotu in ata chu mi pakhat a lo kal a, “I fanu a thi ta, zirtirtu hi tihah duh suh,” a ti a. Isua erawh chuan a kut a chelh a. “Chêmtê, tho rawh,” a ti a, a ko va. Tin, a thlarau chu a lo kir leh a, a tho ta nghal a.

Luka 8:49, 54-55a

THIHNA ATA THOLEH PATHIAN THUTIAMTE

Tih tak meuhvin, tih tak meuhvin ka hrilh a che u, a hun a thleng dawn ta, tunah pawh a thleng tawh mek, chutih hunah chuan mitthiten Pathian Fapa aw an hria ang a, a hria apiang an nung ang. “Heng hi mak ti suh u, a hun a thleng dawn ta, chutih hunah chuan thlâna awm zawng zawngin a aw an hria ang a, an chhuak vek ang; thil ðha titute chu nunna changin an tho leh ang.

Johana 5:25, 28-29a

Hei hi ka Pa duhzawng a ni, tupawh Fa hmu a, ring apiangin chatuana nunna nei sela; tin, keiin ni kin niah chuan ani chu ka kai tho vang.

Johana 6:40

Mi felte leh fel lote thawhlehma a awm ang tih Pathian lamah ka beisei a, henghote pawh hian chung chu an âwih ve bawk si a.

Tirhkohte 24:15

Lalpa Isua kaithotu chuan keini pawh Isua hnenah min kaitho ve dawn a, nangmahni nen min dintir dawn tih kan hre si a.

2 Korinth 4:14

Lalpa ngei chu au thawm nen, vântirhkoh chungnung ber aw nen, Pathian tawtawrâwt ri nen, vânaŋgin a lo chhuk dawn si a; tin, Kristaa thi tawhte chu an tho hmasa ang a.

1 Thessalonika 4:16

Nimahsela Krista chu mitthi zing ata kaihthawhin a awm tak zet a ni, muhilte thawh hmahruaitu a lo ni ta. Adama-ah chuan mi zawng zawng an thi ðhin ang hian Krista-ah chuan mi zawng zawng tihnunin an awm bawk ang.

1 Korinth 15:20, 22

TÂWPINTAI NEI LO KRISTA THILTIHTHEIHNA

Tichuan, Isua chu an hnenah a lo kal a, anniho chu a bia a, “Lei leh vâna thuneihna zawng zawng ka hnenah pek a ni tawh,” a ti a. Matthaia 28:18

A thil hmuh theih loh a chatuan thiltihtheihna leh a Pathianzia chu khawvel siam tirh ata fiah taka hmuhin a awm a, thil siamah chuan a lang a ni; chuvang chuan chhuanlam tur an nei lo. Rom 1:20

Isua Krista chu vânah kalin Pathian ding lamah a awm a; vântirhkohho te, thuneihna te, thiltihtheihna te ama thu thua awmtirin an awm a. 1 Petera 3:22

Chung lam ațanga lo kal chu mi zawng zawng aia chungnung ber a ni; leia piang chu leia mi a ni a, lei thu a sawi thin, vâna ațanga lo kal chu mi zawng zawng aia chungnung ber a ni. Johana 3:31

Mi thianghlina, mi dik taka, Davida chabi neia, tuma khâr loh tura hawnga tuma hawn loh tura khâra khan heng thu hi a sawi a ni. Thu Puan 3:7b

A chanchin hriat avangin a Pathian thiltihtheihnain nunna leh Pathian ngaihsakna lam kawngah chuan thil zawng zawng min pe si a. Chung zarah chuan a thutiam hlu tak leh ropui nasa takte chu min pe a ni.

2 Petera 1:3b-4a

TÂWPINTAI NEI LO KRISTA THILTIHTHEIHNA

Thil engkim a hria

Nimahsela nang dilah va kal la, nghakuai chiah la, sangha lo chhuak hmasa chu man rawh; tin, a kâ i keu veleh cheng hnih i hmu mai ang; chu chu la la, kei leh nang atan an hnenah pe rawh, chutilochuan anni chu kan tilungni lo dah ang e. Matthaia 17:27

Mihring thu tumaha hrilhfiah a ngaih loh avangin; amahin mihring chhunga awm apiang chu a hre si a. Johana 2:25

Pathianin, ka Chanchin Tha sawi anga mihringte thuruk Isua Krista hmanga a ngaihtuah niah chuan Dân anga titute chu mi fela chhiarin an awm zawk ang. Rom 2:16

Mi 5,000 a hrai

Anni chuan a hnenah, “Hetah chhangpêr panga leh sangha pahnih chauh kan nei a ni,” an ti a. Ani chuan, “Hetah ka hnenah han la rawh u,” a ti a. Hlobet chung a thu turin mipuite chu thu a pe a, chhangpêr panga leh sangha pahnih chu a la a, van lam enin mal a sawm a, a phel a, chhangpêrte chu zirtirte hnenah a pe a, zirtirte chuan mipui hnenah an pe a. An vaiin an ei a, an puar ta hlawm a; an ei bâng nawi pawh chu bawmrâng sawm leh pahnih an rût khat a. A eitute chu, hmeichhia leh naupang tiam lovin, patling hliir pawh sângnga lai an ni a. Matthaia 14:17-21

TÂWPINTAI NEI LO KRISTA THILTIHTHEIHNA

Tui chungah a kal

Khawfing chah dawn laiin dil chungah kea kalin an hnen lam a rawn pan a. Matthaia 14:25

Ruahpui a titawp

Chûngte chuan an thu hrilh chhung zawng ruah sûr lo tura vâh tihpin theihna an nei; an duh hun apianga thisena chantir turin tuite chungah thu a nei a, khawvel hi hremna tinrenga hrem turin thu an nei bawka a.

Thu Puan 11:6

Thlipui leh ruahpui a tireh

Ani chuan an hnenah, “Rin tlêmte u, engahnge in hlauh?” a ti a. Chu mi hnuah chuan a tho va, thlite leh dil chu a hau va; tin, a lo reh ta ðhuap mai a.

Matthaia 8:26

Bang a kaltlang

Ni riat hnuah, a zirtirte chu in chungah an awm leh a, Thoma pawh an hnenah a awm ve a. Isua a lo kal a, kawngte chu khâr a ni si a, an zingah a lo ding ta a, an hnenah, “In chungah thlamuanna awm rawh se,” a ti a.

Johana 20:26

Khawvel vawng ðha turin

Amahah chuan engkim siam a ni a, vâna awmte, leia awmte nen, hmuh theihte, hmuh theih lohte nen, lalðhutphahte pawh, rorêlnate pawh, lalnate pawh, thuneihnate pawh; engkim ama siam a ni, ama ta tur bawka siam a ni.

Kolossa 1:16-17

TÂWPINTAI NEI LO KRISTA THILTIHTHEIHNA

Krista chu mitthi zing ata kaihtawhin a awm a, a thi leh dawn tawh lo tih kan hre si a; thihna chuan ama chungah thu a nei tawh lo. Rom 6:9

Nimahsela mitthi zing ata Isua titho lehtua Thlarau chu nangmahnia a awm chuan, mitthi zing ata Krista Isua titho lehtu khan, nangmahnia awm Thlarau zarah chuan in taksa thi theite chu a tinung bawh ang.

Rom 8:11

Mi Nunga chu ka ni, ka lo thi a, nimahsela ngai teh, kumkhua atan ka nung leh ta a ni.

Thu Puan 1:18a

Leilung luah zawng zawngte u, Pathian chawimawiin hlim takin au ula, a hming ropuizia chu hlain sa chhuak ula, a fakna chu tiropui rawh u. Pathian hnenah, “I thiltihte chu a va râpthlâk êm! I thiltihtheihna nasatzia avangin nangmah dotute chu i hnenah an intulût ang. Leilung luah zawng zawng hian chibai an bûk ang chia, nangmah fakin an zia ang a, I hming fakin an zai ang,” ti rawh u.

Sam 66:1-4

A ram chungah thuneihna

Pathian ram chu thuah a awm lo va, thiltihtheihnaah a awm zawk a ni. 1 Korinth 4:20

Chûng chuan Berâm No chu an do vang a, Berâm No chu hotute Hotu leh lalte Lal a nih avangin anni chu a hneh ang a.

Thu Puan 17:14a

TÂWPINTAI NEI LO KRISTA THILTIHTHEIHNA

Nungcha tinreng chung a thuneihna

Khatia mi zawng zawng chung a thuneia i siam khan, a hnena i pek apiangte chu chatuana nunna a pek theih nan.

Johana 17:2

Krista thihin lir a nghing

Tin, Isua chu aw ring takin a au leh a, a thlarau a thlah ta a. Lirte a lo nghing a, lungpuite a lo khi chat a.

Matthaia 27:50-51b

A tawhleha turin

He mi avangin Pain mi hmangaih a ni, lak leh tura ka nun ka pek dawn avang hian. Tuman mi laksak lo vang, keima thu thuin ka pe zawk dawn a ni. Pe thei ka ni, la leh thei pawh ka ni. He thupek hi ka Pa hnenah ka hmu a ni.

Johana 10:17-18

Vân ropuina tiêng turin

An hmaah chuan a hmel awmzia chu a lo danglam ta a; a hmai ni angin a lo êng a, a silhfênte chu êng angin a lo vâ ta a.

Matthaia 17:2

Thuneihna leh ropuina nei leh turin

Isuan a hnenah, “Ni e. Nimahsela ka hrilh a che, tun hnuah Mihring Fapa hi thiltihtheihna ding lama ðu a, vân chhûm chung a lo kal in la hmu dawn a ni,” a ti a.

Matthaia 26:64

TÂWPINTAI NEI LO KRISTA THILTIHTHEIHNA

Sualte ngaidam turin

“Engpawh ni sela, khawvelah Mihring Fapa hian sual ngaihdam theihna a nei tih in hriat nan,” a ti a, zeng hnenah chuan, “Tho rawh, i khum la la, i inah kal rawh,” a ti a. Matthaia 9:6

Chatuan nunna pe turin

Ka berânten ka aw an hre ðhin, kei pawhin anni chu ka hria, anni chuan mi zui ðhin; an hnenah chatuana nunna ka pe a. Johana 10:27-28a

Mitin chhandam turin

Ama hmingin simna thu leh sual ngaihnathiamna thu Jerusalem khuua ðanin, hnam tin hnenah an hril ang. Luka 24:47

Thlarau tithianglim turin

Chutichuan Isua pawhin, ama thisen ngeia mite chu a tithianglim theihna turin kulh kawngkhâr pawn lamah chuan a lo tuar ta a. Hebrai 13:12

Mihringte tudai turin

Lalpa chuan sualna zawng zawng lakah mi chhan chhuak ang a, a vâh ramah chuan him takin mi thlen ang. 2 Timothea 4:18a

Mihringte rinna tinghet turin

In rinna chu mihring finnaa innghat lovin, Pathian thiltihtheihnaa inngkata awm zawk tur a in. 1 Korinth 2:5

KRISTA HMINGA THILTIHTHEIHNA

Chu mi avang chuan Isua hmingin mi tin - vâna mite, leia mite, lei hnuaiia mite nen - an ðingðhit nan leh Pa Pathian tihropuina turin. Philippi 2:9-10a

Nimahsela heng hi Isua chu, Krista, Pathian Fapa a ni tih in rinna tur leh, in rin a, a hminga nun in neihna turin ziaak a ni. Johana 20:31

“Zirtirtu, tu emaw i hminga ramhuaite hnawt chhuak kan hmu a; min zui ve loh avangin kan khap ta asin le,” a ti a. Isua erawh chuan, “Khap tawh suh u; tumah ka hminga thilmak ti sia mi sawichhe nghal thei an awm lo a ni,” a ti a. Marka 9:38b-39

Ka hmingin engpawh in dil apiang chu ka ti zel ang. Johana 14:13a

Nimahsela Peteran, “Tangka leh rangkachak engmah ka nei lo; nimahsela ka neih chhun ka pe ang che: Nazaret Isua Krista hmingin kein kal tawh rawh,” a ti a. A kut ding lam a chelh a, a kai tho ta a; tin, thawklehkhatan a kete leh a kheimit ruhte chu a lo chak ta nghal a. Tirhkohte 3:6-7

KRISTA THISEN THIANGHLIMA THILTIHTHEIHNA

A thisen avangin amahah chuan kan tlanna kan nei a ni - a khawngaihna ngahzia ang zela kan bawhchhiatnate ngaihdamna chu. Ephesi 1:7

“He no hi ka thisena thuthlung thar chu a ni, in aia chhuak tura chu.” Luka 22:20b

Nimahsel Berâm No thisen avang leh an hriattirna thu avangin ani chu an hneh a ni. Thu Puan 12:11a

Remna Pathian, berâm Vêngtu ropui tak, kan Lalpa Isua chatuana thuthlunna thisen zara mitthi zing ata hruai chhuak lehtu khan, a mithmuha a lawmzawng ang apiang Isua Krista zarah keimahniah thawkin, a duhzawng ti turin thil ðha tinreng kawngah tifamkim che u rawh se; Isua Krista hnenah chuan ropuina chatuanin awm rawh se. Amen. Hebrai 13:20-21

“Heng hi hrehawm nasa tak ata chhuakhote kha an ni a, an puante Berâm No thisena suin an tivâr ta a. Thu Puan 7:14b

Amaherawhchu amah chu êngah a awm angin keini pawh ênga awm kan nih chuan kan inpawl tlang a, a Fapa Isua thisenin kan soal zawng zawng min tlenfaisak ðhin a ni. 1 Johana 1:7

PATHIAN THILTIHTHEIHNA CHU CHAWIMAWI ANG CHE!

Chungte chuan aw ring takin, “Berâm No talh tawha hi, thiltihtheihna te, hausakna te, finna te, chakna te, chawimawina te, ropuina te, malsawmna te hmu tlak a ni e,” an ti a. Thu Puan 5:12

Chutichuan hnam tinin Lalpa hming chu an ðih ang a, leia lal zawng zawng chuan i ropuina chu an ðih bawk ang. Chu chu ðhangthar lo la awm tur tan chuan ziak a ni ang a, hnam siama lo la awm tur chuan Lalpa chu an fak ang. Sam 102:15, 18

Nimahsela thim ata chhuaka, a êng mak taka lût tura kotu che u ðhatna chu in entir theih nan nangni zawng chi thlan, lal puithiamho, hnam thianghlim, Pathian mite ngei in ni si a. 1 Petera 2:9

Lalpa, Ziona awm chu, fakin zai ula; mite zingah chuan a thiltihte chu hril rawh u. Sam 9:11

Lalpa ðihtute u, amah chu fak rawh u!

Sam 22:23a

Aw Pathian, mi tinin fak che rawh se; mi tinrengte chuan fak che rawh se. Lei hian a thil ðo chu a pe a: Pathian, keimahni Pathian ngei chuan, mal min sawm ang. Pathianin mal min sawm ang a; kawlkila mi zawng zawng pawhin amah an ðih ang. Sam 67:5-7

CHATUAN NUNNA KAN NEIH THEIH NAN ENNGE KAN TIH ANG?

“Zirtirtu, chatuana nunna ka neih theih nan thil tha engnge ka tih ang?” a ti a. Ani chuan a hnenah, “Nunnaa luh i duh chuan thupekte chu zawm rawh,” a ti a. A ni chuan a hnenah, “A eng ber hi maw?” a ti a. Isuan, “Tual i that tur a ni lo; i uire tur a ni lo; I ru tur a ni lo; Dawtin i hêk tur a ni lo; I nu leh i pa chawimawi rawh, tihte leh, ‘Nangmah i inhmangaih angin i vêngte i hmangaih tur a ni,’ tih hi,” a ti a. Tlangvâl chuan a hnenah, “Chung thu zawng zawng chu ka zawm thin; engnge ka la bâk?” a ti a. Isuan a hnenah, “tha famkima awm i duh chuan, kal la, i neih chu hralh la, pachhiate hnenah pe rawh, chutichuan vânah ro i nei ang; tin, lo kal la, mi zui ang che,” a ti a.

Matthaia 19:16b, 17a, 17c-21

Sim la, ring la, pawm rawh

Isua, Galili ramah a lo kal a, “Hun chu a lo thleng ta a, Pathian ram pawh a lo hnai ta; sim ula Chanchin tha hi ring rawh u,” a ti zel a. Marka 1:14b-15

Ani chu khawvelah a awm, khawvel ama siam a ni, khawvelin amah a hre si lo. Nimahsela amah lawm apiang chu, an hnenah Pathian fate nih theihna tur a pe, a hming ringtute chu. Johana 1:10, 12

KRISTA CHU KAWNG LEH THUTAK LEH NUNNA A NI

Dân thu Mosian a pe, khawngaihna leh thutak Isua
Krista avangin a lo awm. Johana 1:17

Isuan a hnenah, “Keimah hi kawng leh thutak leh
nunna ka ni; keimaha kal lo chu tumah Pa hnenah an
thleng ngai lo,” a ti a. Johana 14:6

Isua chu Krista a ni tih awih lotu aliama dawthei
tunge awm? Krista dodaltu chu Pa leh Fapa awih lotu hi
a ni. 1 Johana 2:22

Amahah chuan nunna a awm; chu mi nunna chu
mihringte ênna a ni a. Johana 1:4

“Kawngka zimah chuan lût rawh u; boralnaa kalna
kawngka chu a zau va, a kawng pawh a zau bawk a,
chu mi lama lût chu tam pawh an tam hle a ni; nunnaa
kalna kawngka chu a zim a, a kawng pawh a chêp bawk
a, a hmutute pawh tlêmtê an ni. Matthaia 7:13-14

Pain mahnia nun a nei ang bawkin Fapa pawh
mahnia nun neiin a siam. Johana 5:26

Kei hi vâna aṅanga chhang nung lo chhuk chu ka ni,
tupawhin he chhang hi a ei chuan chatuanin a nung
reng ang. Johana 6:51a

Isua chu a ding a, a au va, “Tupawh a tuihal chuan
ka hnenah lo kal sela in rawh se. Tupawh mi ring chu
Pathian Lehkha sawi angin tui nung luite a pumah a lo
luang chhuak ang,” a ti a. Johana 7:37b-38

KRISTA, CHHANDAMNA PE THEITU

Krista chu kuta sak hmun thianghlim, atak anpuiah chuan a lût si lo va; tunah Pathian hmaah kan aia ding turin vânah ngei a lut ta zawk a; nimahsela Puithiam Lalber chu kum tinin mahni thisen lo, thisen keng chung a Hmun Thianghlima a lût thin angin, ani chu mahni inhlân fo turin a lût hek lo; chuti ni suh sela, leilung pian tirh achin vawi tam tak a tuar tawh tur a ni; nimahsela tun lai hun tawpah hian inthawi nana inhmang chawpin sual tihbo nan vawi khatah a lo lang ta nghal a ni. Mihring tan vawi khat thih ruat a ni, chu mi hnua h chuan rorelna a awm ang; chutiang bawkin Krista pawh mi tam tak sualte kalpui tura vawi khat hlana awm tawhin, chhandamna hmu tura amah lo nghaktute hnenah chuan sual tel lovin vawi hnihnaah a lo lang leh ang.

Hebrai 9:24-28

Vân rama hruai chho theitu

Mi dang tuma hnenah chhandamna a awm lo; vân hnuaia mihring sak zingan, min chhandam tur hming dang reng a awm lo.

Tirhkohte 4:12

Chatuan hremhmuna paihthla theitu

“Taksa tihluma thlarau tihlum thei lotute chu hlau suh ula; Gehena-a thlarau leh taksa tiboral theitu erawh chu hlau zawk ang che u.”

Matthaia 10:28

KHAWVEL TÂWP THLENGA CHHANDAM THEITU

“Krist Isua mi sualte chhandam turin khawvelah hian a lo kal,” tih hi a rinawmin a pawm tlak êm êm a ni; an zinga mi sual ber ka nih hi. 1 Timothea 1:15

Chanchin Ṭha chu ka zahpui si lo va; tupawh a ring apiangte tan chhandamna tura Pathian thiltihtheihna a ni si a. Rom 1:16a

Tupawh an hnena ka pek tur tui in apiang erawh chu kumkhuain an tuihal lo vang, keiin an hnena tui ka pek tur chu an kawchungah tui hna a lo awm ang a, chatuana nun thlengin a chik chho vang.

Johana 4:14

Chung ringtute chu, Krista Isuaa tlanna awm avang chuan, a khawngaihna athlawna thiam chantirin an awm a; Pathian dawhtheihnaa hman lai sualte haiderin a awm avang khan. Rom 3:24-25a

Chuvangin unaute u, a kohna leh a thlanna che u chu tinghet turin taihmak chhuah lehzual rawh u; chung chu in tih zawngin engtikah mah in tlu lo vang.

2 Petera 1:10

Ngai teh u, rûlte, khawmualkaikuangte rah theihna thu ka pe che u a; engmahin a tina tawp lo vang che u.

Luka 10:19

CHHANDAMNA CHU A HLU A, MAHSE A THLAWNA NEIH THEIH A NI

Pathian thiltihtheihna ropui tak a ni!

Pathianin khawvel a hmangaih êm êm a, chutichuan a Fapa mal neih chhun a pe a, amah chu tupawh a ring apiang an boral loh va, chatuana nunna an neih zawk nan. Johana 3:16

Mihringte chhandamtu leh khawngaihtu chu kan sual vanga thi a engkim siamtu Lal a ni

Isuan, “Ka Pa, anni hi ngaidam rawh; an thiltih hi an hre lo a nih hi,” a ti a. Isuan aw ring takin a au va, “Ka Pa, i kutah ka thlarau ka kawltir e,” a ti a. Chu chu a tih zawhin a thlarau a thlah ta a.

Luka 23:34a, 46

Athlawna lak thei a ni

Thlarau leh mo chuan, “Lo kal rawh,” an ti a. A hria apiangin, “Lo kal rawh,” ti rawh se. Tuihâl apiang lo kal rawh se; a duh apiangin nunna tui hi athlawnin la rawh se. Thu Puan 22:17

Pa Pathian chuan chhandamte chu a Fapa a hmangaih angin a hmangaih

Kei anmahniah, nang keimahah, anni pumkhata an awm a, an famkim theihna turin; nangin kei mi tir tih leh, mi hmangaih angin anni hi i hmangaih tih, khawvelin an hriat theihna turin. Johana 17:23

LAL ISUA KRISTA HNENAH I NUNNA PE RAWH

I sualte puang la sim rawh

Kan sualte thupha kan chawi chuan kan sualte ngaidam tur leh kan fel lohna zawng zawng tlêngfai turin amah chu a rinawmin a fel a ni. 1 Johana 1:9

Chuvangin in sualte thai bo a nih theih nan sim ula, hawi kir leh rawh u. Tirhkohte 3:19a

Pathian Fapa chu ring rawh

Hriattirna chu hei hi a ni, Pathianin chatuana nunna min pe a, chu mi nunna chu a Fapaah a awm a ni. Fapa chu neitu chuan nunna chu a nei; Pathian Fapa nei lotu chuan nunna chu a nei lo. 1 Johana 5:11-12

Tupawh Fa ring apiangin chatuana nunna an nei tawh; nimahsela tupawh Fa thu awih lo apiangin nunna an nei lo vang a, Pathian thinur an chungah a awm reng zawk a ni. Johana 3:36

Tu hnenah pawh an thu awih tura bawih in luh chuan (thihna khawpa sual bawih emaw, felna khawpa thu awih bawih emaw) a thu in awih bawih chu in ni tih in hre lo em ni? Rom 6:16

In taksa pêngte pawh fel lohna hriamhrei atan sualna hnenah pe phal hek suh u; amaherawh chu mitthi zing ata nung leh angin Pathian hnenah inpe ula.

Rom 6:13a

Ngai teh, kawngkhar bula dingin ka kik hi; tupawhin ka aw hriaa kawng a hawn chuan a hnenah ka lût ang a, a hnenah zanriah ka ei ang a, ani pawhin ka hnenah a ei bawk ang. Thu Puan 3:20

RINGTUTE HNENA PATHIAN THILTIH

Hlahna aiah hmangaihna

Pathianin hlahna thlarau min pe lo va, thiltihtheihna leh hmangaihna leh rilru fel tak neihna thlarau min pe zawk si a. 2 Timothea 1:7

Hmangaihnaah chuan hlahna reng a awm lo: hmangaihna famkimin hlahna a hnawt chhuak zawk ðhin a ni, hlahnaah chuan hremna a awm si a; a hlautu chu hmangaihnaah a la famkim lo a ni.

1 Johana 4:18

Huatna aiah hmangaihna

Miin, “Pathian ka hmangaih e,” tiin a unau haw si sela, amah chu dawthei a ni; a unau a hmuh tawh renga mah a hmangaih loh chuan Pathian a hmuh ngai lohva chu engtin nge a hmangaih theih ang? Ama hnen ata he mi thupek hi kan nei, “Tupawhin Pathian a hmangaih chuan a unau pawh a hmangaih baw tur a ni,” tih hi.

1 Johana 4:20-21

Thlarau rah erawh chu hmangaihna te, hlimna te, remna te, dawhtheihna te, ngilneihna te, ðhatna te, rinawmna te, thuhnuairawlhna te, insûmtheihna te a ni zawk e; chutiang kalhzawngin Dân thupek reng a awm lo ve.

Galatia 5:22-23

Rinhlehna aiah rinna

Krista hmangaihna ata chu tuin nge min ðhen ang? Hrehawmnain emaw, lungngeihnain emaw, tihduhdahnain emaw, ðâmin emaw, saruaknain emaw, hlauhawmnain emaw, khandaihin emaw min ðhen ang em ni? ðhen suh e, chung zawng zawngah chuan min hmangaihtu avang chuan, ropui taka ngamtu kan ni.

Rom 8:35, 37

RINGTUTE HNENA PATHIAN THILTIH

Hmangaihna vanga khawhar lohna

In rilru puizia chu tangka ngainatna tel lo ni rawh se; in thil neih chhun chungahte chuan lungawi rawh u; amah ngeiin, “Engtikah mah ka thlahthlam tawp lo vang chia, kal pawh ka kalsan tawp lo vang che,” a ti si a.

Hebrai 13:5

Ama lawmzawng atana tih tum tur leh bei tura nangmahnia thawktu chu Pathian a ni si a.

Philippi 2:13

Sawisak aiah inremna

Tisa lam thilte duh chu thihna a ni si a, Thlarau lam thil duh erawh chu nunna leh thlamuanna a ni.

Rom 8:6

“Thlamuana ka hnutchhiah a che u; keima thlamuanna ka pe a che u; khawvelin a pek angin ka pek loh che u hi. In thinlung mangang suh se, hlahu pawh hlau suh se.

Johana 14:27

Chuvangin rinna avanga thiam changa awmin, kan Lalpa Isua Krista avangin Pathian nen inremin i awm ang u.

Rom 5:1

Duhâm lova hausakna

Isuan an hnenah, “Fimkhur ula, awhna reng reng lakah chuan invêng rawh u; sum ngah hi mihring dam chhan a ni lo ve,” a ti a.

Luka 12:15

Ka unau duh takte u, ngai teh u, Pathianin he khawvel thila retheite hi rinnaa hausa tur leh, amah hmangaihtute hnena a tiam ram chu luahtu turahte a ruat lo vem ni?

Jakoba 2:5

RINGTUTE HNENA PATHIAN THILTIH

Ringhlel lova intiamna

Chatuana nunna in nei tih in inhriat theih nan nangni Pathian Fapa hming ringtute hnenah heng thu hi ka ziaak a ni. 1 Johana 5:13

Rilru herh aiah thianghlimna

Unaute hmangaih tak tak turin thutak zawma in thlarau in tihthianghlim tawh avangin thinlunga thahnem ngai takin inhmangaih tawn rawh u.

1 Petera 1:22

Thinlung thianghlim leh chhia leh tha hriatna thiang leh rinna dik tak atanga lo chhuak hmangaihna neih theih nan chu chu ti ka ni. 1 Timothea 1:5

Lungngaih aiah hlimna

Beiseina Pathian chuan in rin avangin lawmna leh remna tinrengin tikhat che u rawh se.

Rom 15:13a

Ka lawm nangmahnia a awm reng nan leh, in lawm a kim nan, heng thu hi in hnenah ka sawi hi.

Johana 15:11

Tunah nangni in lungngai e; nimahsela ka hmu leh ang che u a, in thinlung a lawm ang a, in lawm chu tuman an laksak lo vang che u. Johana 16:22

RINGTUTE HNENA PATHIAN THILTIH

Chaklohna aiah chakna

A tawp berah chuan Lalpaah leh a chakna thahruiah chuan thiltihtheihna neiin lo awm rawh u.

Ephesi 6:10

Chau hnenachte chuan thiltihtheihna a pe ðhin a; chakna reng nei lote chu a tichak ðhin.

Isaia 40:29

A chhe lam aiah beiseina

Kan Pathian ropui tak Chhandamtu Isua Krista ropuina inlârna chu nghakin kan awm tur a ni.

Tita 2:13

Pathian daw rual a nih lohna thil danglam thei lo pahnih avangin, keini inchhanhim nan kan hmaa beiseina dah chu chelh tura tlante hian, fuihna nasa tak kan neih theihna turin. Chu beiseina chu nunna thirchakaiah kan nei a, rinawm leh nghet tak a ni, puanzâr chhunga mi-ah pawh chuan a lût a.

Hebrai 6:18-19

Bumna aiah dikna

Jentailte zinga in chêtzia chu mawi tak ni rawh se, chutichuan thil tisualtute anga an sawichhiat che u kawngah chuan in thil tihthat an hmuhte avangin fanin an awm hunah chuan Pathian an chawimawi thei ang.

1 Petera 2:12

Depdepna aiah rinawmna

Thutak in hria ang a, thutak chuan bâwih a bân ang che u.

Johana 8:32

RINGTUTE HNENA PATHIAN THILTIH

Tlawm aiah hnehna

Pathian hrin tawh phawt chuan khawvel a ngam zel si a; hei hi a ni, khawvel hneha ngamna chu, kan rinna hi. 1 Johana 5:4

Dârthlalang, mei nena inpawlh tuifinriat ni awm tak ka hmu a; sakawlh te, a lem te, a hming nambar te hneha lo chhuakte chu Pathian ñingtang kenga, dârthlalang tuifinriat kama ding ka hmu baw k a.

Thu Puan 15:2

Puitlinlam panna

Nausên piang tharte angin thlarau lam hnutê, engmah pawlh loh chu châk rawh u, chu miah chuan chhandamna tling khawpa in ñhan len theih nan.

1 Petera 2:2

Chutichuan Krista thu bul hril tawh lovin puitlin lam i pan ang u; thiltih thi simna te, Pathian lama rinna te lungphûm chu phûm leh tawh lovin.

Hebrai 6:1

Hmangaihna thu dik tak sawiin, engkimah amahah kan ñhang lian thei zawk ang: amah chu Lû a ni, Krista chu.

Ephesi 4:15

Chuvangin Krista Isua, Lalpa chu in lawm ang khan, amaha zung kai leh rem chhoh deuh deuhva awmin, an zirtir che u ang khan in rinnaah chuan nghet takin awm rawh u.

Kolossa 2:6-7a

Krista anna

“Amahah ka awm reng ñhin,” titu chu ama awm ang baw k khan a awm ve tur a ni. 1 Johana 2:6

RINGTUTE HNENA PATHIAN THILTIH

Mitin tana chakna

Chuvang chuan Krista chu rinna avanga in thinlunga a chên theih nan, a ropuina ngahzia ang zelin, a Thlarau zarah mihring chhungnung lamah chuan thiltihtheihnaa tihchakin a awmtir ang che u.

Ephesi 3:16

Mi tichaktuah chuan engkim ka ti thei a ni.

Philippi 4:13

Mihringte finnaah a innghat lo

Ka țawngka chhuak leh ka thu hrihhte chu thu finga thlêmna thuin a ni lo va, Thlarau leh thiltihtheihna hriattirin a nih zawk kha.

1 Korinth 2:4

Thu hriatpui tura thiltihtheihna

Nimahsela Thlarau Thianghlim chu in chung a lo thlen hunah thiltihtheihna in la nei ang; tichuan Jerusalema khuaah te, Judai leh Samari ram khaw tinah te, kawlkil thleng pawhin ka thuhretute in ni ang.

Tirhkohte 1:8

Chung thu chu a hretute kan nih hi; Thlarau Thianghlim, Pathianin a thu zawm apiangte hnena a pek kha, a hretu a ni ve bawk a.

Tirhkohte 5:32

Tirhkohte chuan awihawm takin Lal Isua thawh leh thu an hriattir thin a; an zaa chungah khawngaihna nasa tak a awm a.

Tirhkohte 4:33

RINTUTE HUMHIM TURA PATHIAN THILTIHTHEIHNA

Nangin anni chu khawvel ata i lâk chhuah tura ngên ka ni lo va, mi sual lakah chuan i hum tur ka ti zawk a ni. Johana 17:15

Tichuan Pathian thlamuann, rilru reng renga hriat sên loh khan, in thinlung leh in ngaihtuahnte chu Krista Isuaah chuan a vênsak ang che u. Philippi 4:7

Ani chuan an hnenah, “Têk anga Setana vâh ațanga a lo tla kha ka hmu asin. Ngai teh u, rûlte, khawmualkaikuangte rah theihna thu ka pe che u a; engmahin a tina tawp lo vang che u,” a ti a.

Luka 10:18-19

Ka chhelna thu i pawm avang khan leia awmte fiah tura khawvel zawng zawng chungah fiahna hun lo thleng tur lakah chuan kei pawhin ka humhim ang che.

Thu Puan 3:10

Tichuan a hnehtu apiang leh a tawp thlenga ka thiltihte pawmtu apiang, keiin ka Pa laka ka hmuh ang bawh hian, chu mite chu hnam tin chungah thu ka neihtir ang.

Thu Puan 2:26

Lalpaah leh a chakna thahruiah chuan thiltihtheihna neiin lo awm rawh u. Diabola ngamthlêmnte chu in do zawh nan Pathian râlthuum famkimin inthuum rawh u.

Ephesi 6:10b-11

Lalpa chuan amah ngaihsaktute chu thlêmna ata chhan chhuah dân leh fel lote chu rorel ni atan chuan hrem chungah khêk dân a hria.

2 Petera 2:9a

PATHIAN THLAMUANNA THUTIAM

Kan rin vangin Pathianin kan dilte min hlawhtlintir

Engkim ring chung a ṭawngṭaia in dil apiang chu in hmu ang. Matthaia 21:22

Nangni keimaha in awm reng a, ka thu nangmahnia a awm reng baw k chuan in duh apiang dil rawh u, in tan tihin a awm zel ang. He mi avangin ka Pa chu chawimawiin a awm ṭhin, tam taka in rah hian; chutichuan ka zirtirte in ni ang. Johana 15:7-8

Hei hi ama chung a kan huaina chu a ni, engpawh a duhzawng ang a kan dil chuan anin min ngaihthlaksak ṭhin hi; tichuan engpawh kan dil apiang min ngaihthlaksak tih kan hriat chuan a hnena kan thil dila chu kan hmu tawh tih kan hria a ni.

1 Johana 5:14-15

Dil rawh u, tichuan an pe ang che u; zawng rawh u, tichuan in hmu ang; kik rawh u, tichuan an hawsak ang che u. Matthaia 7:7

Tih tak meuhvin, tih tak meuhvin ka hrilh a che u, tupawh mi ring chuan thil ka tihte hi ani pawhin a ti ve ang; heng aia thil ropui pawh hi a la ti ang, Pa hnenah ka kal dawn avangin. Ka hmingin engpawh in dil apiang chu ka ti zel ang, Pa, Fapa avanga chawimawia a awm theih nan. Nangnin ka hmingin engpawh mi dil chuan chu chu ka ti zel ang. Johana 14:12-14

Chuvangin ka ti a che u, engkim in ṭawngṭaia in dil apiang chu hmu tawhah inngai ula, tichuan in hmu ang.

Marka 11:24

Lalpa chungah chuan lawm bawk rawh; tichuan I thinlung duhzawngte chu a pe ang che. I awm dân tur chu Lalpa chungah nghtat la; amah chu ring la, aman a ti vek ang. Sam 37:4-5

Lalpa chuan, “Anṭam mu fang khat ang rin in neih chuan he thingtheihmu kûng hnenah hian, ‘Lo inphaw la, tuifinriatah lo inphun rawh,’ in ti ang a, in thu a âwih mai ang.” Luka 17:6

Ka Pathian chuan Krista Isuaa a ropuina ngahzia ang zelin in tlâkchhamna tinreng pawh a phuhrûksak ang che u. Philippi 4:19

Duh takte u, kan rilruin thiam loh min chantir loh chuan Pathian lamah kan huai a ni; tichuan a thupek-te kan zawm a, a mihmuha thil lawmawm kan tih `hin avangin, kan dil apiang a hnen ata kan hmu zel `hin a ni. 1 Johana 3:21-22

Isuan a hnenah, “I theih chuan â maw! ringtu atan chuan engkim tih theih a ni asin,” a ti a. Marka 9:23

Pathian thutiamte chu engzât pawh ni se, amahah chuan “A ni” tih chu a awm si a; chutichuan amah avang pawhin “Amen” tih chu a awm a ni, keimahni avanga Pathian ropuina turin. 2 Korinth 1:20

